



ALPÝÐUSAMBAND ÍSLANDS

Alþingi -/284
Erindi nr. Þ 135/284
komudagur 21.11.2007

Alþingi
Nefndarsvið
Austurstræti 8-10
150 Reykjavík

Reykjavík, 20. nóvember 2007
Tilvísun: 200711-0003

Efni: Umsögn um tillögu til þingsályktunar um aukinn þorskafla á fiskveiðiárinu 2007-2008, 5. mál.

Alþýðusambandi Íslands hefur borist til umsagnar tillaga til þingsályktunar um aukinn þorskafla á fiskveiðiárinu 2007-2008, 5. mál.

Í tillögunni er lagt til að leyfilegur þorskafla fiskveiðiársins 2007-2008 verði aukinn um 40.000 tonn þannig að heildarafla þorsks verði 170.000 tonn en ekki 130.000 tonn eins og stjórnvöld hafa ákveðið að tillögu Hafrannsóknastofnunar.

Það er skoðun Alþýðusambandsins að stjórnvöldum beri að ákveða heildarafla út frá vísindalegum niðurstöðum um afkomu stofna. ASÍ hefur ekki forsendur til að vefengja ráðgjöf Hafrannsóknastofnunar. Sambandið telur auk þess verulega hættu á að það gæti haft alvarlegar afleiðingar fyrir viðgang fiskistofna ef vikið verður verulega frá ráðgjöf stofnunarinnar og leggst því eindregið gegn þeirri tillögu sem hér er til umsagnar.

Alþýðusamband Íslands tekur hins vegar undir áhyggjur af þeirri stöðu sem upp er kominn í mörgum sjávarbyggðum. Meðal þess sem staðið hefur þeim fyrir þrifum er einhæft atvinnulíf, erfiðar samgöngur, fólksfækkun o.fl. Þá hefur sums staðar farið saman neikvæður hagvöxtur samfara óhagstæðum áhrifum vegna þenslu annars staðar á landinu.

Það er því ljóst að sá vandi sem atvinnulífið víða á landsbyggðinni glímir við stafar ekki einungis af tímabundinni skerðingu þorskkvótans. Vandinn er djúpstæðari og verður aðeins leystur með því að beita fjölbreytilegum úrræðum jafnt á sviði vinnumarkaðsaðgerða og nýsköpunar svo og með því að tryggja efnahagslegt jafnvægi með ábyrgri hagstjórn.

F. h. Alþýðusambands Íslands,

Stefán Úlfarsson
Hagdeild ASÍ



Byggðastofnun

Þróunarsvið

Alþingi
Erindi nr. **P** 135/283
komudagur 20.11.2007

Dagsetning
20.11. 2007

Sjávarútvegs- og landbúnaðarnefnd Alþingis
Alþingishúsinu við Austurvöll
150 Reykjavík

Sjávarútvegs- og landbúnaðarnefnd Alþingis hefur óskað eftir umsögn Byggðastofnunar um aukinn þorskafla á fiskveiðiárinu 2007/2008, 5. mál.

Hlutverk Byggðastofnunar er að vinna að eflingu byggðar og atvinnulífs á landsbyggðinni og miðast eftirfarandi umsögn við áhrif tillagnanna á þá þætti. Tekið er fram að ekki hefur verið fjallað um umsögnina í stjórn stofnunarinnar.

Byggðastofnun telur sig ekki hafa forsendur til þess að meta þær tilgátur sem fram koma í greinargerð þingsályktunarinnar. Þær benda hins vegar til þess að stórauka þurfi hafrannsóknir og þar á meðal rannsóknir á samspili stofnstærða einstakra tegunda. Þetta er einnig afar brýnt þar sem miklir hagsmunir eru í húfi í byggðarlögum sem eru háð fiskveiðum og fiskvinnslu.

Virðingarfyllt

Guðmundur Guðmundsson

Sérfræðingur á þróunarsviði Byggðastofnunar

Alþingi
Erindi nr. P 135/409
komudagur 26.11.2007

EYÞING – Samband sveitarfélaga í Eyjafirði og Þingeyjarsýslum –
Strandgötu 29; 600 Akureyri; Sími 464-9933; kt. 561192-2199; Netfang eything@eything.is


Akureyri 22. nóvember 2007

Nefndasvið Alþingis
Austurstræti 8 - 10
150 Reykjavík

Stjórn Eyþings hefur fengið til umsagnar frá sjávarútvegs- og landbúnaðarnefnd Alþingis **tillögu til þingsályktunar um aukinn þorskafla á fiskveiðiárinu 2007/2008, 5. mál.** Stjórnin samþykkti eftirfarandi:

Stjórnin tekur ekki afstöðu til tillögunnar.

f.h. stjórnar Eyþings


Pétur Þór Lónasson
framkv.stjóri



FFSÍ

FARMANNA- OG FISKIMANNASAMBAND ÍSLANDS

Borgartúni 18 - 105 Reykjavík - Sími 562 9933 - Fax 562 9934

Alþingi

Erindi nr. P 135/227

komudagur 19.11.2007

**Nefndasvið Alþingis,
Sjávarútvegs- og landbúnaðarnefnd,
Austurstræti 8-10,
150 Reykjavík.
2007**

Reykjavík 15. nóvember.

Efni: Tillaga til þingsályktunar um aukinn þorskafla á fiskveiðiarinu 2007-2008.

FFSÍ telur að útgefnar aflaheimildir í þorski fyrir yfirstandandi kvótaár séu það takmarkaðar að til vandræða horfi í veiðunum og varpar fram þeirri spurningu hvort ekki sé með þessum mikla niðurskurði verið, án ásetnings, að auka líkur á upp komi staða þar sem veruleg verðmæti glástist án þess þorskstofninn njóti aukinnar friðunar í raun.

Virðingarfyllst,
F.h.Farmanna og Fiskimannasambands Íslands

Árni Bjarnason



Félag skipstjórnarmanna

*Alþingi
Erindi nr. P 135/215
komudagur 16.11.2007*

**Nefndasvið Alþingis
Sjávarútvegs- og landbúnaðarnefnd
Austurstræti 8-10
150 Reykjavík.**

Reykjavík 12.nóvember 2007.

**Efni: Tillaga til þingsályktunar um aukinn þorskafla á fiskveiðiárinu 2007/2008,
5. mál.**

Félag skipstjórnarmanna tekur heils hugar undir tillöguna um að auka heildarafla þorsks á umræddu fiskveiðiári um 40.000 tonn.

Virðingarfyllst
Félag skipstjórnarmanna


Guðjón Armann Einarsson
framkvæmdastjóri.

Alþingi
Erindi nr. P 135/183
komudagur 14.11.2007


Nefndasvið Alþingis,
Sjávarútvegsnefnd,
Þórshamri v/Templarasund,
150 Reykjavík.

Reykjavík 14. nóvember 2007

Efni: Umsögn um tillögu til þingsályktunar um aukinn þorskafla, mál nr.5.

Frumvarpið kveður á um að veiði á þorski á yfirstandandi fiskveiðiári verði aukin úr 130 þús. tonnum í 170 þús. tonn eða um 40 þúsund tonn eða tæpt 31%.
Fyrir liggur að VM studdi tillögu sjávarútvegsráðherra um samdrátt í þorski frá fyrra ári um í kringum 60 þús. tonn á grundvelli þeirra fiskifræðilegu gagna og raka sem bjuggu þar að baki. Í efnislegum rökstuðningi með þessari tillögu kemur ekkert það nýtt fram sem breytir fyrri samþykkt félagsins um leyfilegan heildarafla af þorski á yfirstandandi fiskveiðiári. Í ljósi þessa leggst VM alfarið gegn tillögunni.

Virðingarfyllst
f.h. VM - Félags veltjóra og málmtæknimanna



Helgi Laxdal, varaformaður VM.

Alþingi
Erindi nr. **P** 135/154
komudagur 12. 11. 2007



.....
F I S K I S T O F A

Alþingi
Kirkjustræti
150 Reykjavík

Hafnarfjörður, 08.11.2007
Tilv. 0025/2007 - 60.12

Efni: Umsögn um tillögu til þingsályktunar um aukinn þorskafla á fiskveiðiárinu 2007/2008, 5. mál.

Vísað er til bréfs sjávarútvegs- og landbúnaðarnefndar, dags. 2. nóvember 2007, þar sem Fiskistofu er gefinn kostur á að gefa umsögn um ofangreinda tillögu til þingsályktunar. Fiskistofa gerir ekki athugasemdir við tillöguna.

F. h. Fiskistofu

A handwritten signature in black ink, appearing to read 'Hrefna Gísladóttir', is written over the printed name.

Hrefna Gísladóttir

Nefndasvið Alþingis
Sjávarútvegs- og landbúnaðarnefnd Alþingis
Austurstræti 8-10
150 Reykjavík

Reykjavík, 22.11.2007
Tilv. 21.9.1/POR
JS/sv

Málefni: Umsögn um tillögu til þingsályktunar um aukinn þorskafla á fiskveiðiárinu 2007-2008, 5. mál, 135. löggj. þing 2007-2008.

Vísað er í erindi Sjávarútvegs- og landbúnaðarnefndar dags. 2. nóvember 2007 um ofangreint málefni.

Almennt

Ráðgjöf Hafrannsóknastofnunarinnar til stjórnvalda varðandi aflamark þorsks fisksveiðiárið 2007/2008 var að lækka veiðihlutfall í 20% og að afli væri takmarkaður við 130 þús. tonn eins og fram kemur í Ástandsskýrslu stofnunarinnar frá því í júní s.l. (Nytjastofnar sjávar 2006/2007 og aflahorfur fiskveiðiárið 2007/2008). Þessi ráðgjöf byggir fyrst og fremst á horfum í þróun viðmiðunar- og hrygningarstofns á næstu árum. Miðað við þær magnmælingar sem að fyrir liggja um árgangastærð nú, bæði úr afla og úr stofnmælingu, þá eru umtalsverðar líkur á því að stærð bæði viðmiðunar- og hrygningarstofns fari undir sögulegt lágmark við óbreytt nýtingarhlutfall. Það var í þessu ljósi sem að Hafrannsóknastofnunin lagði áherslu á að breyta viðmiðunarreglu um útreikning aflamarks, úr 25% af viðmiðunarstofni í 20%. Með þessu eru taldar minni líkur á að viðmiðunar- og hrygningarstofn verði undir sögulegu lágmarki eftir 3-4 ár.

Megin forsendur þessarar ráðgjafar voru eftirfarandi:

- Nýliðun síðustu 6 árin er slök, 117 milljón 3ja ára nýliða að meðaltali m.v. langtímameðaltal 180 milljónir. Engir meðalárgangar, eins og mældust 1997 til 2000, eru í farvatninu, hvað þá sterkir árgangar eins og sáust á árum áður.
- Meðalþyngdir flestra aldurshópa eru nú við sögulegt lágmark, þannig að saman fer lítill fjöldi einstaklinga í árgöngum og lélegur vöxtur.
- Hrygningarstofn þorsks er nú aðeins um helmingur þess sem talið er að gefi hámarksafrakstur og aðeins 2% af hrygningarstofni er 10 ára og eldri fiskur, en var 16% fyrir um 20 árum þegar nýliðun var betri og hrygningarstofninn stærri.
- Viðmiðunarstofn (veiðistofn) er nálægt sögulegu lágmarki árið 2008.

Hafrannsóknastofnunin telur að ef aflamark verði aukið eins og lagt er til í þingsályktunartillögunni sé veruleg hætt á að stærð veiði- og hrygningarstofns fari niður fyrir söguleg mörk á næstu árum. Það að draga á langinn enn frekar að lækka veiðihlutfallið eykur stórlega líkur á umtalsverðri frekari lækkun á aflamarki á næstu árum og að aukinn afrakstur úr stofninum náist ekki til langs tíma lítið.

Varðandi önnur atriði í greinargerð með þingsályktunartillögunni:

1. Fjöldi skyndilokana

Árlegur fjöldi skyndilokana er ekki góður mælikvarði á stærð uppvaxandi árganga, m.a. af eftirfarandi ástæðum:

Stærðarsamsetning veiðistofns

- Viðmiðunarmörk, sem notuð eru við ákvörðun um lokanir, eru hlutfallsleg stærð. Stærðarsamsetning stofnsins þegar nýr árgangur er að koma inn veiðina getur því haft veruleg áhrif á tíðni skyndilokana þegar viðmiðunarhlutfallið er föst stærð. Þannig að t.d. ef tiltölulega lítill árgangur er að koma inn í veiðina og árgangar þar á undan eru enn minni getur smár fiskur orðið hlutfallslega áberandi í afla og tíðni skyndilokana verið há. Af sömu ástæðum getur verið lítið um skyndilokanir þó að tiltölulega stór árgangur sé að koma inn í veiðina, ef næstu árgangar þar á undan hafa verið stórir.

Veiðihlutfall

- Veiðihlutfall getur einnig haft áhrif á árlegan fjölda skyndilokana. Þannig eykst tíðni skyndilokana þegar veiðihlutfall er hátt, þ.e.a.s. þegar aflamark er hátt hlutfall af viðmiðunarstofni. Flotinn á erfitt með að ná aflmarki í stærri og verðmætari fiski og leitar því meir en ella í smáfisk.

Útbreiðsla og veðurfar

- Útbreiðsla og veðurfar getur einnig haft áhrif á fjölda skyndilokana. Slæm veðurskilyrði hindrar flotann oft í að sækja lengra frá landi út á meira dýpi þar sem meiri von er að fá stærri fisk. Þannig getur veðurfar haft áhrif á tíðni skyndilokana. Útbreiðsla uppvaxandi árganga á hverjum tíma getur einnig haft veruleg áhrif. Breytilegt getur verið eftir umhverfis- og ætisskilyrðum á hverjum tíma hvort útbreiðsla og þéttleiki ungviðis fari saman við helstu veiðislóðir.

Sóknarmynstur

- Sá hluti flotans sem er líklegastur til að veiða hátt hlutfall af smáfiski eru krókabátar á grunnslóð norðanlands en netabátar á vertíð sunnlands fá varla smáfisk sem nokkru nemur. Augljóst er því að ef breyting verður á hlutfallslegum afla sem tekin er í þessa tvo flota getur það haft veruleg áhrif á tíðni skyndilokana. Einnig getur tíðni þorsk skyndilokana aukist ef flotinn sækir í auknum mæli á grunnslóð þegar tiltölulega hátt aflamark er á tegundum (öðrum en þorski) sem þar halda sig.

Virkni eftirlits

- Augljóst er að fjöldi skyndilokana er einnig háður virkni veiðieftirlits. Breytilegt getur verið frá ári til árs hvaða áherslur eru í veiðieftirliti og einnig má gera ráð fyrir að skipulag og framkvæmd eftirlits sé í þróun í átt að virkara eftirliti.

Niðurstaða:

Fljótt á litið virðist aukning í fjölda skyndilokana í fyrra og á þessu ári miðað við 3 árin þar á undan fyrst og fremst stafa af aldurssamsetningu stofnsins. Árgangurinn frá 2001 er mjög lélegur þannig að þrátt fyrir að næstu árgangar þar undan séu ekki sterkir verða þeir hlutfallslega áberandi í veiðinni. Jafnframt hefur hlutfall afla sem tekinn er á línu farið vaxandi og sókn færst í auknum mæli á grunnslóð vegna ýsusóknar.

Mat Hafrannsóknastofnunarinnar á nýliðun er byggt á sögulegu samræmi sem er á milli afla úr árgöngum sem að gengið hafa í gegnum veiðina og vísitölumælinga sömu árganga sem ungfisks. Þessar mælingar hafa til þessa reynst tiltölulega áreiðanlegar og ekkert sem bendir til þess að þar hafi orðið stórkostleg breyting á. Hin allra síðustu ár eru þó vísbendingar um að stærð uppvaxandi árganga hafi verið ofmetin um 5-10%. Fráleitt er að tíðni skyndilokana sé betri mælikvarði.

2. Þorskur við Austur-Grænland

Undanfarna áratugi hafa Þjóðverjar framkvæmt stofnmælingu að haustlagi við Austur Grænland. Þessir leiðangrar hafa verið skipulagðir og framkvæmdir með svipuðum hætti og stofnmælingar Hafrannsóknastofnunarinnar þó svo að stöðvanet við Grænland sé þó mun gisnara.

Teknar eru togstöðvar á helstu þorsklóðum með landgrunnskantinum allt norður á 66 gráðu. Í þessum leiðöngrum var vart við töluvert magn af seiðum af 2003 árgangi haustið 2003. Þessi fiskur hefur síðan komið fram í mælingum ár hvert og er nú áætlað að stærð hans geti verið nálægt 1/3 af 1984 árganginum sem er síðasti stóri árgangurinn sem óx upp við A-Grænland og er álitinn hafa verið af íslenskum uppruna.

Leiðangrar Þjóðverja, svo og leiðangur sem Grænlandingar fóru s.l. haust, benda ekki til að verulegt magn af þorski sé nú að vaxa upp við Grænland. Magn nú virðist aðeins brot af því sem var þegar veiðar voru stundaðar fyrr á árum. Í þingsályktuninni kemur fram sú skoðun að mikið af þorski hafi farið til A-Grænlands haustið 2002. Þessa fisks hefur ekki orðið vart í miklu magni í rannsóknaleiðöngrum.

Ef 2003 árgangurinn hegðar sér með svipuðum hætti og árgangar frá 1984/85 og veiðar verða ekki heimilaðar við Grænland er ekki óhugsandi að kringum 20-30 þús. tonn af hrygnandi fiski gangi þaðan á Íslandsmið þegar hann verður kynþroska. Ef slíkt gerist gefur það hins vegar vart tilefni til aukins þorskvóta að svo stöddu en mun flýta fyrir uppbyggingu hrygningarstofnsins. Til langs tíma litið er hægt að tala um aukin beitarlönd þorsksins ef fram heldur sem horfir, að hlýnun sjávar á norðurslóð heldur áfram, en það er auðvitað ekki fast í hendi fyrr en að nokkrum árum liðnum.

Hafrannsóknastofnunin á í samstarfi við grænenska og þýska aðila um rannsóknir á þorski við Grænland. Á þessu ári hefur erfðaefni þorsks við Grænland verið rannsakað, en

fyrirhugað er að efna til sérstaks leiðangurs á Grænlandsmið til að rannsaka aflasamsetningu þorsks þar og gera tilraunir til marktækra merkinga á svæðinu á næsta haust, en nú þegar hafa samstarfsaðilar stofnunarinnar hafið merkingarstarfið.

3. Sláturstærð þorska, 4. Hverjar eru orsakirnar?

Eins og fram kemur í Ástandsskýrslu Hafrannsóknastofnunarinnar frá júní s.l. lækkaði mat á viðmiðunarstofni um 13% frá því sem áður hafði verið áætlað. Þessi lækkun er vel innan tölfræðilegra skekkjumarka. Eins og fram kemur í þingsályktunartillögunni voru 40% þessarar lækkunar vegna lægri meðalþyngda eftir aldri en gert hafði verið ráð fyrir. Hin 60% eru vegna endurmats á stærð árganga í fjölda.

Ekki er ljóst hvað átt er við þegar fullyrt er að „í hverjum árgangi fækkar alls um 100 milljónir þriggja til sex ára fiska milli skýrslna 2005 og 2007, þ.e. að um 167.000 tonn eru horfin úr töfluverkinu án veiða.“ Árið 2005 var áætlað að stofnstærð 3-6 ára fiska í fjölda í ársbyrjun 2005 væri samanlagt um 388 milljónir fiska samanborið við 359 milljónir við endurmat árið 2007, mismunur 29 milljónir. Hér munar mestu um endurmat á stærð 2002 árgangsins en mat á honum hefur lækkað um 13 milljónir frá árinu 2005. Vissulega er það áhyggjuefni að á undanförnum árum hefur stærð uppvaxandi árganga verið ofmetin um 5-10% frá því að fyrsta mat liggur fyrir og þar til árgangurinn er að fullu kominn í veiðina. Ástæður þessa liggja ekki fyrir en gera að verkum að rétt er fara enn varlegar en ella við ákvörðun aflamarks.

Orsakir þess að meðalþyngd þorsks eftir aldri hefur lækkað verulega á síðustu árum eru taldar vera minnkandi magn og viðvera loðnu við Ísland. Til margra ára var spáð fyrir um meðalþyngd þorsks í afla út frá áætlaðri stærð loðnustofnsins. Forsenda þessa var samhengið á milli meðalþyngdar þorsks eftir aldri og stærðar loðnustofns eins og fram kemur á myndrænan hátt í þingsályktunartillögunni. Á undanförnum árum hafa þó verið notaðar aðrar aðferðir til spá fyrir um meðalþyngd þorsks þar sem þetta samband virðist hafa riðlast, líklega vegna breytinga í útbreiðslu loðnu og aðgengi þorsks að loðnu.

Þó að vitað sé að stærð loðnustofnsins hafi veruleg áhrif á vöxt þorsksins er ekki jafn ljóst að hve miklu leyti veiðar á loðnu sem er rétt við að hrygna og deyr svo að hrygningu lokinni, skipti máli í þessu samhengi. Hafrannsóknastofnunin vinnur að rannsókn á þessum þætti.

5. Afli og sókn

Á Hafrannsóknastofnuninni eru til umfangsmikil gögn frá fiskiskipaflotanum um afla og sókn, svokallaðar afladagbækur. Þess gögn eru notuð af sérfræðingum stofnunarinnar m.a. til að skoða afla á sóknareiningu eftir veiðarfærum, svæðum og tímabilum. Að sjálfsögðu er sérfræðingum sem nota þessi gögn ljóst að erfitt getur verið að túlka þessar upplýsingar þar sem hegðun flotans er síbreytileg og ör tækniþróun í flotanum. Að teknu tilliti til slíkra þátta virðist að öllu jöfnu gott samræmi á milli þessara gagna og annarra upplýsinga um ástand fiskistofna.

F. h. Hafrannsóknastofnunarinnar

Jóhann Sigurjónsson, forstjóri

Björn Ævarr Steinarsson, sviðsstjóri Veiðiráðgjafarsviðs

Jón Kristjánsson
fiskifræðingur
Krosshömrum 7A,
112 Reykjavík

Símar: 587 9779, 892 7864
jonkr@mmedia.is

Alþingi
Erindi nr. P 135/338
komudagur 22.11.2007

Reykjavík, 21. nóvember 2007

Umsögn um þingsályktunartillögu

Umsögn um tillögu til þingsályktunar um aukinn þorskafla á fiskveiðiarinu 2007/2008. - 135. löggjafarþing 2007/2008, 5. mál.

Tillagan felur í sér að auka beri þorskafla fiskveiðisins 2007-2008 um 40.000 tonn.

Ég álit að túlka eigi gögn úr þorskrannsóknum þannig að auka þurfi veiðar úr stofninum.

Vísa ég þar sérstaklega til minnkandi meðalþyngdar þorsks eftir aldri undanfarin ár, eins og lesa má í skýrslum Hafrannsóknastofnunar.

Minnkun í fallþunga stafar af ætisskorti og til þess að auka einstaklingsbundið fæðuframboð er sú eina leið fær að fækka í stofninum.


Stofninn er hlutfallslega of stór fyrir núverandi fæðuframboð, nokkuð sem leiðir til hungurdauða og sjálfáts. Við slíkar aðstæður er ekki hægt að búast við aukinni nýliðun, stofninn bregst við ástandinu með því að minnka sjálfan sig.

Fóðurgjöf, t.d. minnkun loðnuveiða, er að mínu mati óraunhæf aðgerð, líffræðilega og fjárhagslega.

Ég er þeirrar skoðunar að 40.000 tonna viðbót sé of lítil til að hún skili sér í auknum vaxtarhraða þorsks. Að mínu mati þyrfti að auka aflamarkið í a.m.k. 250.000 tonn til að árangur yrði merkjanlegur.

Ef Sjávarútvegs- og landbúnaðarnefnd óskar eftir frekari rökstuðningi og áliti mínu á hvers vegna svona illa gengur að "byggja upp" þorskstofninn er ég reiðubúinn til þess. Um yrði að ræða 40 mín. fyrirlestur.

Virðingarfyllst,



Jón Kristjánsson

Alþingi
Erindi nr. P 135/340
komudagur 22.11.2007

LANDSSAMBAND
smábátæigenda



Sjávarútvegs- og landbúnaðarnefnd Alþingis

21. nóvember 2007

Efni: Umsögn – Tillaga til þingsályktunar um aukinn
þorskafla á fiskveiðiarinu 2007-2008

Landssamband smábátæigenda (LS) er sammála efni þingsályktunar.

Á 23. aðalfundi LS sem haldinn var 18. og 19. október sl. var mikið fjallað um málefni sem nátengd eru efni þingsályktunarinnar. Eftirfarandi ályktanir sem tengjast efni hennar voru samþykktar:

Landssamband smábátæigenda

- mótmælir niðurskurði á þorskkvótanum. Ekki hefur orðið vart við neinn skort á þorski, engin ástæða er því til að setja útgerðir og sjávarþorp í uppnám vegna vafasamra vísindaaðferða.
- leggur til að þorskveiðiheimildir verði auknar samhliða því að dregið verði úr loðnuveiðum.
- krefst endurskoðunar á togararallinu.
Greinargerð: Trolað er á svæðum sem enginn fiskur hefur haldið sig í mörg ár. Gefur það skakka niðurstöðu og kemur í veg fyrir efnahagslegan ávinning fyrir alla þjóðina.
- mótmælir öfgafultri ákvörðun ríkisstjórnarinnar um niðurskurð þorskveiðiheimilda um þriðjung. LS leggur til að ákvörðunin verði endurskoðuð á grundvelli upplýsinga sem komið hafa fram og stangast á við skoðanir Hafrannsóknastofnunarinnar á ástandi stofnsins.¹
Auk þess skuli þorskveiðiheimildir auknar samhliða því að dregið verði úr loðnuveiðum.

Auk framangreindra samþykktar er afstöðu LS, til þriðjungs skerðingar í þorski og þar með því málefni er þingsályktunin felur í sér, lýst með skýrum hætti hjálagðri aðalályktun fundarins.

LS vill láta í ljóst ánægju sína með greinargerð þingsályktunarinnar, telur hana yfirgripsmikla og vel unna. Efni hennar endurspeglar einnig afar vel sjónarmið sjómanna á smábátum á ástandi þorsksins.


Auk þess sem hér hefur komið fram væri með auknum þorskveiðiheimildum létt sókninni í minnsta þorskinn, þar sem hann veiðist í auknum mæli þegar ofuráhersla er lögð á

¹ Sjá hjálagt ítarefni sem vitnað er til –
úr ræðu framkvæmdastjóra LS Arnar Pálssonar.

ýsuveiði nálægt landi. Með auknum þorskveiðiheimildum gæti flotinn fært sig fjær landi við ýsuveiðar þar sem vænni þorsk er að fá en að sama skapi lægra hlutfall af ýsu í aflanum.

LS hvetur sjávarútvegs- og landbúnaðarnefnd Alþingis til veita þingsályktun um aukinn þorskafla á yfirstandandi fiskveiðiári farsælt brautargengi. Með því væri komið til móts við gríðarlega erfiðleika sem nú blasa við í útgerð smábáta.

Virðingarfyllst
f.h. Landssambands smábátæigenda


Örn Pálsson framkvæmdastjóri

Hjálagt:

Aðalályktun 23. aðalfundar LS
Útdráttur úr ræður Arnar Pálssonar



23. aðalfundur Landssambands smábátæigenda

haldinn í Reykjavík 18. og 19. október 2007

Samþykktir fundarins

Aðalálýktun

Landssamband smábátæigenda lýsir miklum áhyggjum yfir þeirri ákvörðun Hafrannsóknastofnunarinnar og í kjölfarið stjórnsvalda að hafa að engu reynslu, skoðanir og tillögur smábátæigenda sem og fjölmargra starfsbræðra þeirra á stærri skipum flotans varðandi ástand þorsstofnsins.

Í stað þess að leita skýringa á því hvers vegna gjáin breikkar sífelld milli vísindamanna og reynslu þeirra sem starfa á vettvangi, eru sjónarmið hinna síðarnefndu troðin í svaðið og „fiskifræði sjómannsins“ gerð að skammaryrðum sem standi fyrir græðgi og óábyrgni. Fátt er fjær sanni. Fiskifræði sjómannsins lítur að öllum þeim þáttum er varða fiskveiðarnar, s.s. gerð veiðarfæra, svæðisskiptri nýtingu og friðun miða, samspil ætis og fiskistofna sem og annarra umhverfisþátta. Stundum er niðurstaða fiskimanna sú að rétt sé að veiða meira – en stundum minna. Það síðarnefnda er sjaldnast fréttæfni.

Bent skal á að fjölmargir veiðimenn hafa til langs tíma krafist þess að loðnuveiðar verði annað hvort stöðvaðar, dregið verulega úr þeim eða núverandi veiðarfærabeitingu breytt verulega. Þá krefst Landssamband smábátæigenda þess að samspil loðnu- og rækjuveiða verði rannsakað í tengslum við ætisþörf og -leit þorsksins. Fram til þessa hefur verið skellt skollaeyrum við þessari „fiskifræði sjómannsins“. Í áratugi var farið í einu og öllu eftir tillögum Hafrannsóknastofnunarinnar varðandi rækjuveiðar í Húnaflóa. Rækjuveiðarnar á svæðinu undir þessari strangvísindalegu stjórnun eru nú rjúkandi rústir.

Landssamband smábátæigenda telur aðferðafræði stofnunarinnar (togararallið) ónýta mælistiku sem hvorki getur mælt stærð þorsstofnsins né fjölda nýliða. Það er t.d. staðreynd að sáralítil hluti togstöðvanna er innan 12 mílna lögsögunnar þar sem stærstur hluti þorsstofnsins elst upp og heldur sig.

Skyndilokanir vegna smáporsks hafa aldrei verið fleiri en á yfirstandandi ári. Þetta stingur gjörsamlega í stúf við fullyrðingar um lélega nýliðun. Hingað til hefur Hafrannsóknastofnunin ekki séð ástæðu til að útskýra þessa þverstæðu.

Þeirri spurningu er einnig ósvarað hvers vegna veigaminnstu veiðarfærin sem notuð eru af íslenskum fiskimönnum ná dag eftir dag, mánuð eftir mánuð og ár eftir ár að veiða meira á hverja úthaldseiningu en þegar þorsstofninn átti að vera, samkvæmt gögnum Hafrannsóknastofnunarinnar, margfalt stærri. Sú skýring stofnunarinnar að þorskurinn sé svo „veiðanlegur“ er herfileg móðgun við heilbrigða skynsemi og á ekkert skylt við vísindalega nálgun. Myndu þær skýringar veiðimanna, eftir langvarandi lélega veiði, teknar gildar að nóg væri af fiski en „veiðanleikinn“ í lágmarki?



Landssamband smábátæigenda krefst þess að reynsla veiðimanna og tillögur þeirra fái vægi í ákvarðanatöku varðandi leyfilegan heildarafla. Allt tal um samráð og samvinnu við þá hefur nú opinberast sem hrein látalæti sem engu skipta.

Smábátaútgerðin er sá hluti útgerðarinnar sem tekur mestan skellinn af samdrætti í þorskveiðiheimildum. Það er því að nudda salti í sárin að nú þegar hafa verið opnuð viðkvæm svæði fyrir botndregin veiðarfæri á nokkrum stöðum við landið. Landssamband smábátæigenda skorar á hstv. sjávarútvegsráðherra að stöðva þessa þróun nú þegar.

Hinn svokallaði „flati“ niðurskurður í þorskveiðiheimildum er síður en svo flöt skerðing í heildartekjum hinna ýmsu útgerða. Þannig eru þeir sem hafa nánast allar veiðiheimildir sínar í þorski – sem á við um stærstan hluta smábátaflorens og sér í lagi þá sem stunda handfæraveiðar – að verða fyrir mun meiri búsigjum en stórútgerðarfyrirtæki með blandaðar veiðiheimildir. Það er krafa Landssambands smábátæigenda að mótvægisáðgerðir stjórnvalda taki tillit til þessarar staðreyndar.

Smábátaútgerðin er burðarás fjölmargra sjávarbyggða. Sú mikla tekjuskurðing sem nú blasir við er jafnframt áfall fyrir byggðirnar. Framundan er varnarbarátta, en það er bjargföst sannfæring Landssambands smábátæigenda að æ háværi kröfur á alþjóðavettvangi um vistvænar veiðar og hágæða hráefni muni reynast búbót sem um munar. Framhjá þessum staðreyndum geta hvorki stjórnvöld né aðrir litið.

Ráðgjöf Hafrannsóknastofnunar

Fuliyrða má að trillukörum var brugðið þegar Hafrannsóknastofnun tilkynnti ráðgjöf um heildarafla fyrir yfirstandandi fiskveiðiár. Kannski ekki við að heyra samdrátt um 4,8% í ýsu, 6,3% í ufsa og 3,8% í steinbít, en þegar kom að þorskinum þá gripu menn andann á lofti. 63 þúsund tonn, þriðjungs skerðing.

Ekkert slíkt hafði nokkrum viðmælenda minna látið hvarfla að sér. Aflabrogðin báru þess ekki merki.

Ástandið á fiskinum báru þess ekki merki.

Hvað sér Hafró sem við sjáum ekki? Menn grufluðu aftur í tímann, í afladagbækur sínar. Ekkert, nákvæmlega ekkert, gaf það til kynna að nauðsynlegt væri að skerða svo mikið. Þá spurðu menn sig einnig þeirra spurninga hvaða árangur væri af niðurskurðinum. Í það minnsta var Hafrannsóknastofnun sjálf ekki viss. Í ástandsskýrslu stofnunarinnar segir eftirfarandi:

„Ef núgildandi aflareglu verður áfram fylgt er líklegast að viðmiðunarstofn og hrygningarstofn haldist óbreyttur að stærð á komandi árum“

Fundarmenn góðir – ég endurtek.....

Og ég spurði mig hvað er að? Hvers vegna á að fara að hringla í aflareglunni eitt árið enn? Aflaregla sem sett var fyrir ári?

Jú, mér var bent á svarið.

Lestu áfram!

„Að teknu tilliti til óvissu í stofnmati eru hins vegar verulegar líkur á að stofninn fari undir sögulegt lágmark ef áfram verður veitt samkvæmt núgildandi aflareglu.“

Var ég einhverju nær?

Nei – orðið „óvissa“, sagði mér að hugsa málið og niðurstaðan var svo fengin með því að taka tillit til frásagna ykkar af ástandi miðanna, hún var skýr, ekki kvika frá aflareglunni sem gaf 178 þúsund tonn. Með þeirri ákvörðun var einnig hægt að benda á að fullrar varúðar væri gætt.

Stjórn LS var boðuð til fundar. Á fundinn komu sjávarútvegsráðherra og sérfræðingar Hafrannsóknastofnunar. Stjórnarmenn spurði fjölmargra spurninga. Að mati stjórnar LS kom ekkert fram hjá sérfræðingunum sem kallaði á svo mikinn niðurskurð. Þá fannst stjórn LS það skjóta skökku við að netarall og afladagbækur höfðu ekki verið lagðar til grundvallar við ákvörðunina, heldur vigtaði togararallið 100% í ákvarðanatökunni.

Í máli sjávarútvegsráðherra kom fram að hann ætlaði að gefa sér góðan tíma til ákvarðanatöku, á honum var þó að skilja og tók hann það skýrt fram að í gildi væri aflaregla og eftir henni ætti kvóti næsta árs að skerðast um 7,8%.


Fundi stjórnarinnar lauk með því að lítrekuð var fyrri samþykkt stjórnar að bætt yrði við kvótann og hann færi í 220 þúsund tonn, sem var 14% hækkun.

Nánar er skýrt frá þessum fundi í Brimfaxa sem er í möppum ykkar.

Hafin var kynning á sjónarmiðum LS. Gengið var á fund sjávarútvegsráðherra, sjávarútvegsnefndar Alþingis og forsætisráðherra. Gögn þau sem lögð voru fram vöktu framangreinda aðila til umhugsunar. Mörgum spurningum var ósvarað eftir kynninguna og er sumum þeirra enn ósvarað hjá Hafrannsóknastofnun. Þá hafið þið félagsmenn góðir séð kynninguna á fundum í svæðisféiðgum ykkar nú að undanförmu. Skemmst er frá því að segja að engar gagnrýnisraddir hef ég heyrt frá ykkur sérfræðingunum. Því held ég ótrauður áfram, nestaður með hvatningu frá ykkur, að hvetja stjórnvöld til að koma að ráðgjöfinni á nýjan leik og fara yfir gögn sem Hafró byggir á, ef það mætti verða til þess að afstýra þeirri hrikalegu vá sem nú knýr dyra í rekstri ykkar og örvæntingu hjá íbúum hinna dreifðu byggða.

Helstu athugasemdir við forsendur ráðgjafarinnar eru þessar:

1. Meðalþyngdartölur fimm elstu árganganna eru vanmetnar. Útilokað er að 10 til 14 ára fiskar hafi meðalþyngd á bilinu 5,8 kg upp í 6,9 kg. Að 11 ára þorskur sem hafði meðalþyngdina 10,8 kg 2004, mælist nú 6,9 kg. Tveimur árum fyrr gerðist hið gagnstæða að meðalþyngd 11 ára þorsks var 10,4 kg en hann var orðinn 18,1 kg fjórum árum síðar.




Sveiflur sem þessar er illmögulegt að skilja öðru vísi en svo að mælingar, og þar með tölur sem aflaráðgjöf Hafró er byggð á, séu rangar.

Ekki er hægt að sætta sig við, þegar sagt er að 40% ástæðunnar fyrir skerðingu sé vegna þess að fiskurinn sé að léttast, annað en

sjávarútvegsráðherra skipi sérfróða aðila til að yfirfara gögnin þar sem upplýst verði hvar fiskurinn var veiddur, í hvaða veiðarfæri, hver var lengd hans og þyngd, svo eitthvað sé nefnt.

Meðalþyngd í afla eftir aldri





2. Nýliðun í langtímameðaltali er 179 milljónir, sem spannar yfir hálfa öld, telur stofnunin viðunandi nýliðun. Við þetta langtímameðaltal er rétt að gera þá athugasemd að það eru aðeins 6 ár sem bera uppi meðaltalið og öll eru þau í órafjarlægð, 1955, 1964, 1970, 1973, 1983 og 1984. Þegar árgangar þorsks á tímabilinu frá 1985 til og með 2003 eru skoðaðir er meðaltalsfjöldi nýliða á bakvið þá 131 milljón, og aðeins árið 1997 fer upp yfir það meðaltal sem Hafrannsóknastofnunin telur viðunandi. Nýliðun þessa 22 ára tímabils er því óviðunandi að mati stofnunarinnar. Því til staðfestingar vitna ég til kynningar stofnunarinnar á nýliðun en þar segir: „Nýliðun síðustu 6 ára er slök, langt undir langtímameðaltali. Engir meðalárgangar, eins og mældust 1997 til 2000, í farvatninu“.


Ég álít að sú mynd sem stofnunin setti fram til að styðja skoðun sína og fá hljómgrunn fyrir hana sé afar villandi. Beita rauðra ljósa blikka á henni og gerir þá sem gefast ekki tími til nánari skoðunar skelkaða. Inn í þá stimplast slök nýliðun sl. 6 ára sem bera uppi árgangana 1998 til og með 2003. Þar er líka fullýrt að engir meðalárgangar séu í farvatninu. Slík fullyrðing er út í hött og veit ég ekki hvaða tilgangi hún þjónar. Frekar hefði verið hægt að segja – **tíðar skyndilokanir að undanförmu og góð**

aflabrögð benda til þess að sterkir árgangar séu að koma inn í veiðina.

Lítum þá til mynda Hafrannsóknastofnunar og mynd sem sýnir sömu tölur frá 1985.



Til að styrkja það sem sagt var hér áðan tel ég rétt að birta yfirlit um




skyndilokanir á þorski tímabilið 1999 til 2007 eða til 15. október sl. Á myndinni er einnig ferill sem sýnir hlutfall 3 ára fisks í stofnstærð. Þær tölur eru unnar upp úr skýrslu Hafrannsóknastofnunar eins og aðrar tölur um meðalþyngd, nýliðun og hrygningarstofn. Það er athyglisvert hversu mikil fylgni er milli þessara stærða eða allt til þess að kemur að síðasta ári, þá myndast öfugt hlutfall, skyndilokunum fjölga en hlutfall smáfisks minnkar. Freistandi er því að álykta að eitthvað hafi farið úrskeiðis hjá vísindamönnum, en að sama skapi styrkir fjölgun skyndilokana viðhorf sjómanna um stöðu þorskstofnsins.


- Þátturinn sem ég nefni hér fjallar um hrygningarstofninn. Þar var ekki síður en í nýliðuninni að ýtt var duglega við tilheyrendum Hafrannsóknastofnunar er þeir kynntu skýrslu sína 2. júní sl. Langtímameðaltalið sýndi að frá því farið var að stjórna fiskveiðum með aflakvótum hefur hrygningarstofn ekki náð langtímameðaltali sem eru 300 þúsund tonn reiknað frá 1955 til 2007. Aðeins 3 ár eftir 1964 ná að fara yfir meðaltalið. Það er því með ólíkindum að sú tala sé það sem gengið er út frá þegar ástand hrygningarstofnsins er metið.

Eins og í nýliðuninni skoðaði ég nútímann og stillti, gætti að því hvað hann sýndi. Óumdeilt – hrygningarstofninn er miðað við það tímabil í vexti og 2005 var hann í sögulegu hámarki á þessu 22 ára tímabili

228 þúsund tonn. Það er því ekki óeðlilegt að draga þá ályktun að þar sé ekki slæm staða, heldur gefur stærð hrygningarstofnsins fulla ástæðu til bjartsýni. Næstu 2 myndir sýna glögggt sem hér er lýst.



Úr kynningarefni Hafró – júní 2007



Hér á undan hef ég vikið að þáttum í aflaráðgjöf Hafró sem ég er ekki sáttur við. Gagnrýni mín er viðbót við þær skoðanir umbjóðenda minna að skynja ástand þorsstofnsins með öðrum hætti en vísindamenn Hafrannsóknastofnunar. Ég tel það afar mikilvægt að sjávarútvegsráðherra skipi nefnd til að fara yfir aflaráðgjöf stofnunarinnar, auk þess sem hann hefji nýtt togararall sem grundvallað verði á sömu forsendum og það rall sem stofnunin hefur stuðst við undanfarna áratugi. Niðurstöður þess myndu nýtast til að bera saman við það sem lesið var út út röllum á upphafsárum þess.

Að lokum ítreka ég skoðun Landssambands smábátaeigenda þar sem því er beint til sjávarútvegsráðherra að auka nú þegar veiðiheimildir í þorski. Ljóst er að margar útgerðir þola ekki skerðinguna, auk þess sem hún ógnar fjölmörgum þáttum sjávarútvegsins sem leiða til mikilla vandræða fyrir hinar dreifðu byggðir víðsvegar um landið. 63 þúsund tonn eru einfaldlega of mikið, ekki síst þegar ákvörðunin er einvörðungu byggð á skoðunum vísindamanna Hafrannsóknastofnunar sem er eins og hér hefur verið sýnt langt í frá að vera yfir gagnrýni hafnar.

Alþingi
Erindi nr. Þ 135/251
komudagur 20.11.2007

Sjávarútvegs- og landbúnaðarnefnd Alþingis
Einar Farestveit
nefndarritari
Alþingi
150 REYKJAVÍK

Reykjavík, 16. nóvember 2007
2007110007/42-1-3
SB/mfb

Umsögn um þingsályktunartillögu um aukinn þorskafla

Vísað er til bréfs sjávar- og landbúnaðarnefndar Alþingis, dags 2. nóv. sl., þar sem óskað er eftir umsögn Náttúrufræðistofnunar Íslands um tillögu til þingsályktunar um aukinn þorskafla á fiskveiðiárinu 2007 - 2008. Lagt er til að heimild til þorskveiða verði aukinn um 40.000 tonn eða úr alls 130.000 tonnum í alls 170.000 tonn. Helstu forsendur flutningsmanna eru eftirfarandi: Mikill fjöldi skyndilokana sem bendi til stærri árganga uppvaxandi þorsks en opinberar skýrslur Hafrannsóknastofnunarinnar gefi til kynna, meintar göngur Grænlandsporsks á Íslandsmið og vantrú á gildi útreikninga um sláturstærð þorsks.

Náttúrufræðistofnun hefur engin þau gögn í hendi sem geta sannað eða afsannað forsendur þingsályktunartillögunnar, enda hafa stofnhræringar nytjafiska ekki verið á hennar verksviði.

Virðingarfyllst



Jón Gunnar Ottósson
forstjóri



Samtök fiskvinnslu án útgerðar

Kt.660494-2519, Hafnargötu 27, 200 Kópavogi
Sími 8963324 póstfang: isfiskur@simnet.is

Alþingi

Erindi nr. P 13S/2S2

komudagur 20.11.2007

Til Sjávarútvegs og landbúnaðarnefndar Alþingis

Umsögn um tillögu um aukinn þorskafla

Stjórn Samtaka fiskvinnslu án útgerðar hefur fengið til umsagnar frá háttvirtri Sjávarútvegs og landbúnaðarnefnd tillögu til þingsályktunar um aukinn þorskafla á fiskveiðiárinu 2007 og 2008. Merkt sem Þskj.5- 5. mál

Umsögn:

Samtök fiskvinnslu án útgerðar styður tillöguna og tekur að fullu undir þann rökstuðning sem fylgir í greinargerð með henni.

Það er að mati SFÁU grafalvarlegt að taka ákvörðun um þann gríðarlega niðurskurð í þorskafla, sem ákveðin var, með svo ótraustri vitneskju sem Hafrannsóknarstofnun bersýnilega hefur um ástand þorskstofnsins við landið.

Þessi stórfelldi niðurskurður veldur miklum skaða og kann að valda því að markaðir og verðmæt viðskiptasambönd erlendis tapist varanlega.


Ofangreind afstaða er því tekin vegna þess að allt bendir til þess að Hafrannsóknarst. vanmeti þorskstofninn og einnig í ljósi þeirra alvarlegu afleiðinga, sem þessi niðurskurður mun valda, gangi sú ákvörðun óbreytt eftir.

Reykjavík 14. nóvember 2007

Virðingafyllst

Stjórn SFÁU

Ólafur Þór Leósson
Stefninn Þórunn
Guðrún Elva Þórunn
Þurján Smaradottir
Jónína Þórunn



SJÓMANNASAMBAND ÍSLANDS

Sætúni 1 · 105 Reykjavík · Sími 561 0769 · Símbref 561 0774

Nefndasvið Alþingis
Austurstræti 8 – 10
150 Reykjavík


Alþingi
Erindi nr. P 135/270
komudagur 20.11.2007

Reykjavík 20. nóvember 2007.


Efni: Umsögn um tillögu til þingsályktunar um aukinn þorskafla á fiskveiðiarinu 2007 – 2008, 5. mál.

Sjómannasamband Íslands hefði síður en svo á móti því að veiðiheimildir í þorski yrðu auknar umtalsvert á yfirstandandi fiskveiðiarinu. Hins vegar getur sambandið ekki fallist á aukningu nema tillaga þar um byggist á vísindalegri ráðgjöf þeirrar stofnunar eða vísindamanna sem eiga að hafa hvað besta þekkingu á stærð þorskstofnsins. Veiðiheimildir í þorski voru einmitt skornar niður um rúm 60 þús. tonn vegna ráðgjafar Hafrannsóknastofnunarinnar um hvað væri skynsamlegt að veiða mikið úr stofninum á yfirstandandi fiskveiðiarinu. Eftir því sem best er vitað hefur stofnunin ekki breytt mati sínu á því frá því í sumar. Vel má vera að stofnunin hafi rangt fyrir sér varðandi stærð þorskstofnsins og Sjómannasamband Íslands á enga ósk heitari en að svo sé. Sjómannasamband Íslands getur tekið undir flestar þær röksemdir sem færðar eru fyrir þingsályktunartillögunni. Sambandið getur hins vegar ekki stutt tillöguna nema fyrir liggi rökstuðningur studdur vísindagögnum fyrir því að Hafrannsóknastofnunin hafi vanmetið stofnstærð þorskstofnsins síðastliðið vor. Í því ljósi er brýnt að Alþingi stóruki fjárveitingu til hafrannsókna til að hægt sé að rannsaka þorskstofninn, stærð hans og hegðun, mun betur en gert er. Í framhaldi af auknum rannsóknum er síðan hægt að taka ábyrga afstöðu til þess hvort óhætt er að auka við veiðiheimildir í þorski á yfirstandandi og næstu fiskveiðiarum. Eins og staðan er nú telur Sjómannasamband Íslands það ábyrgðarleysi að samþykkja þingsályktunartillöguna þar sem ekki liggja fyrir ný vísindaleg gögn eða nýtt mat hæfustu sérfræðinga á því að 40.000 tonna aukin veiði á yfirstandandi fiskveiðiarinu hafi ekki neikvæð áhrif á stærð, vöxt og viðkomu þorskstofnsins. Að svo stöddu getur Sjómannasamband Íslands því ekki stutt þingsályktunartillöguna.

f.h. Sjómannasambands Íslands,


Hólmgeir Jónsson

Alþingi
Erindi nr. P 135/410
komudagur 26.11.2007



Alþingi - Sjávarútvegs- og landbúnaðarnefnd
Einar Farestveit,
nefndarritari
Austurstræti 8-10
150 Reykjavík

Umhverfisstofnun

Environment and Food Agency of Iceland

☒ Suðurlandsbraut 24
IS - 108 Reykjavík, Ísland

☎ (+354) 591 2000
Fax (+354) 591 2010
umhverfisstofnun@ust.is
www.umhverfisstofnun.is

Reykjavík, 21. nóvember 2007
Tilvísun: UST20071100018/klá


Tillaga til þingsályktunar um aukinn þorskafla á fiskveiðiarinu 2007-2008.


Umhverfisstofnun hefur borist beiðni yðar um umsögn vegna tillögu til þingsályktunar um aukinn þorskafla á fiskveiðiarinu 2007-2008, 5. mál. Í tillögunni er lagt til að leyfilegur þorskafla fiskveiðisins 2007-2008 verði aukinn um 40.000 tonn og að heildarafla þorsks verði alls 170.000 tonn á yfirstandandi fiskveiðiári.

Umhverfisstofnun tekur ekki afstöðu til framangreindrar þingsályktunartillögu um aukinn þorskafla á fiskveiðiarinu 2007-2008.

Virðingarfyllst


Helgi Jónsson


Kristín Linda Árnadóttir



Alþingi
Erindi nr. **P** 135/860
komudagur 7.12.2007

VEIÐIMÁLASTOFNUN

Veiðinýting • Lífríki í ám og vötnum • Rannsóknir • Ráðgjöf

Keldnaholti, 112 Reykjavík, Sími 5806300, Símbref 5806301,

Netfang: veidimalastofnun@veidimal.is, Veffang: www.veidimal.is


Alþingi
Sjávarútvegs- og landbúnaðarnefnd
Austurstræti 8-10
150 Reykjavík

Reykjavík 5. desember 2007

Tillaga til þingsályktunar um aukin þorskafla

Veiðimalastofnun hefur verið beðin um umsögn um ofan nefnda þingsályktunartillögu. Tillagan fjallar um að auka þorskveiðar á yfirstandandi veiðitímabili.

Veiðimalastofnun hefur ekki rannsakað þorsk sérstaklega eða ástand hans á Íslandsmiðum. Á stofnuninni starfa hins vegar fiskifræðingar sem hafa tjáð sig um almennar forsendur fiskveiðistjórnunar á ýmsum tímum. Stjórnun veiða á þorski við Ísland er flókið mál. Þarf þar að líta til margra þátta. Veiðimalastofnun er ekki í stakk búin að veita umsögn um tillögu til þingsályktunar án þess að það kosti mun meiri vinnu og rannsóknir en henni er fært að kalla fram á þeim tíma sem tiltækur er, þeim fjármunum sem hún hefur og því hlutverki sem henni er ætlað í lögum. Ef vinna ætti slíkt álit þyrfti að koma sérstök ósk þar um svo og fjármagn frá stjórnvöldum.

Virðingarfyllt,


Sigurður Guðjónsson, forstjóri
